

Headline **UPM anjur kolokium penyelidikan padi**  
Date **13. Jun 2008** Language **MALAY**  
Media Title **Utusan Malaysia** Page No **26**  
Section **Dalam Negeri** Article Size **104** cm2  
Circulation **238082** Frequency **Daily**  
Readership **833287** Color **Full Color**



## UPM anjur kolokium penyelidikan padi

KUALA LUMPUR 12 Jun - Universiti Putra Malaysia (UPM) akan menganjurkan Kolokium Penyelidikan Padi 19 Jun ini sebagai menyediakan platform bagi penyelidikan pengeluaran beras negara.

Kolokium yang bakal dijalankan di Putrajaya itu dianjurkan oleh Institut Pertanian Tropika dan Fakulti Pertanian UPM.

Pengerusi kolokium, Prof. Dr. Mohd. Razi Ismail berkata, tujuan utama kolokium tersebut adalah untuk menentukan arah tuju penyelidikan tanaman padi

untuk jangka masa panjang sekali gus mengatasi masalah kekangan bahan makanan itu.

"Kekangan pengeluaran padi global dan polisi eksport beras oleh beberapa negara pengeluar menyebabkan harga beras meningkat.

"Kolokium ini juga dianjurkan bagi mendapatkan maklumat mengenai status terkini penyelidikan dan penemuan yang dihasilkan oleh penyelidik UPM," katanya dalam kenyataan akhbar di sini semalam.

Mohd. Razi berkata, perbincangan tersebut akan meng-

gabungkan kepakaran dari kalangan penyelidik UPM, agensi yang terlibat dalam pengeluaran padi negara serta Kementerian Pertanian dan Industri Asas Tani.

Menurutnya, antara kandungan kolokium itu adalah pembentangan berkaitan peningkatan tanaman padi, masalah pengeluaran, kejayaan pengkomersialan produk, dan jangkaan pengeluaran serta permintaan padi negara sehingga tahun 2020.

"Panel perbincang dalam penyelidikan tanaman padi ke arah peningkatan pengeluaran hasil," jelasnya.